

اديني رمضان ! د . حازم شومان

حازم شومان

السلام عليكم ورحمة الله وبركاته. شبابنا وبناتنا ربنا يبارك فيكم وربنا يحفظكم. آآ يعني آآ واحنا في طريقنا لفرح آآ بنت شيخنا الشيخ محمد يعقوب ربنا يحفظه ويبارك فيه. يعني يعني فكرت في فكرة كده يا اخواني آآ اديني رمضان. الناس كلها عايزة رمضان ومشتاقه لرمضان. انا ملاحظ ان رمضان من قبلها بتلات شهور. واربع شهور وناس هتموت على رمضان لو سألت كل واحد منكم. لو سألت كل اخ واخت وكل شاب وبنت هو انتم عايزين رمضان ليه؟ واحد هيقول انا عايز رمضان عشان اختم ختمات كثير كثير كثير

مسابقة ختمات حولنا رمضان لمسابقة ختمات. فيه واحدة هتقول انا نفسي في رمضان عشان اقرا قرآن واعيط نجاح رمضان عندي ان انا اعيط وانا بقرا القرآن ابكي ان دموعي تنزل. سبحان الله العظيم. واحد آآ فنان بيكلم واحد واحد ممثل يعني بيكلم واحد من الدعاة. بيقول له انتم عندكم مشكلتكم ان انتم بتعتبروا ان النجاح ان الناس عيطت. قال له امال انتم عندكم نجاحكم وبتعتبروه ايه؟ قالوا ان الناس اتغيرت. ان الناس طبقت. حتى لو طبقت في الباطل. المبادئ اللي بيدعوا اليها. يعني حرق قلبي اللي الراجل الياباني اللي عاش اربعين سنة وسطنا في الدول العربية وبعد كده رجع اليابان تاني والف كتاب العرب بعيون يابانية فقال انا كان لي واحد صاحبي قاعد

عشرين سنة يقرا قرآن وما لاحظت انه اتغير. عارفين ليه يا جماعة؟ لان احنا كل تفكيرنا اعجاز التأثير بتاع القرآن. مش اعجاز التغيير. القرآن في فكر القرآن اللي بيدكره وبيزلزل قلبك الايات اللي بتعمل زلزال جبار في قلبك صواعق كهربائية زي ما ربنا قال من الصواعق حضر الموت صواعق

ولكن في اعجاز تاني في القرآن اعجاز التغيير. ان القرآن يغيرك ان القرآن ده حلول السماء لمشاكل الارض. قول ذكر الطبري في التفسير في قول الله يكونوا ربانيين بما كنتم تعلمون الكتاب وبما كنتم تدرسون قوله قطع قلبي يا جماعة. بيقول اكونوا سادة العالم وقادته. كونوا

السادة والقادة بتوع الدنيا كلها كونوا سادة الناس وقادتهم في الدين والدنيا. بايه؟ بمدارسة القرآن. بما كنتم تدرسون يعني ان احنا ندرس القرآن ان احنا نفهم القرآن ده طريق قيادة الحياة. لان ده طريق تغيير الحياة. الكوتشينج الكوتشينج للحياة ان الحياة ديت ملعب والناس بتلعب

في ملعب الحياة والناس اللي فاهمة القرآن دي اللي بتعمل عملية الكوتشينج القيادة والتوجيه للناس في ملعب الحياة. عشان كده عملنا سلسلة ايقظ المارد. ايقظ المارد ان ربنا قبل ما يقول للنبي قم قم وفجر الطاقات اللي جواك. قال له اقرأ اتصل بالقرآن. الخطوة الاولى لاي تغيير حقيقي هي الاتصال بالقرآن

عملنا سلسلة ايقظ المارد عشان الفكرة دي عشان اقول لك واقول لك يلا قبل رمضان بشهرين نستعد ونوقظ مارد الايمان اللي جوانا من خلال الاتصال بالقرآن نقدر نغير الدنيا. الحل فهم القرآن. اختي في الله. اخويا في الله الحل ان احنا نفهم كتاب ربنا. الحل ان احنا مش مجرد قراءة لاجل التأثير. ولكن

قراءة لاجل التغيير. ان الكتاب ده هو حلول السماء لمشاكل الارض. الكتاب ده بيحل لك كل مشاكل حياتك بل بيحولك لقائد للحياة كلها في الدين دنيا زي ما قال الامام الطبري في التفسير بتاعه سلسلة ايقظ المارد رحلة تغيير كبيرة قوي بدأها بسورة الزخرف زي الحلقة اللي نزلت لكم امبارح بالليل وان شاء

بازن الله سبحانه وتعالى يعني على نص الاسبوع ليوم التلات كده اتقابل معكم. انتم هتبعنوا التدبرات بتاعتكم. وهدخل هناقشكم في التدبرات بتاعتكم ان شاء الله. ابعنوا مباراتكم وانتم بتتدبروا سورة الزخرف وبتصلوا بها. ربنا يبارك فيكم وربنا يحفظكم. عايزين بعد كده لما نقول اديني رمضان يبقى عايزين رمضان ليه؟ عشان فيدارس

القرآن اجود ما يكون في رمضان. النبي عليه الصلاة والسلام زي ما الصحابي قال كان اجود ما يكون. ليه؟ حين يأتيه جبريل في رمضان فيدارسه القرآن. مدارس القرآن عملت اثر جبار في حياة النبي عليه الصلاة والسلام نفسه. اسر تغيير جبار وارتقائي جبار في حياة النبي عليه الصلاة والسلام نفسه. امال احنا القرآن هيعمل في حياتنا ايه

محتاجين التغيير محتاجين اعلى اداء في حياتنا مع فيدارسه القرآن. ربنا يبارك فيكم. ربنا يحفظكم. ما تنسوش ساعة الاجابة النهاردة. ما تنسوش الصلاة على النبي صلى الله عليه وسلم النهاردة ما تنسوش الدعاء قبل المغرب في ساعة الاجابة النهاردة بالزوات بان ربنا يفهمنا القرآن. اللهم اجعل القرآن العظيم ربيع قلوبنا

ونور صدورنا وجلء احزاننا وذهاب همومنا. اللهم امين. جزاكم الله خيرا